

Kwa baka zliya tsasliti Pəl kaa Timəte

KWəma dza ghwəmməə gha sənataa dzəkən zliya na
Zliya nay, kwa baka zliya tsasliti Pəl na kaa Timəte.
Ghala pətsa vay, ghəci kwa fərshina kwa baka səda ci tə
hidfi ka Rəm na.

Tə kwa kərni zliya nay, mbə gəzə na Pəl dzəkən
shiy kəsay. Ghəciy, wəzə nəwhwə na kwal tsa Yesəw.
Nana kiy, mbəzli daf zlay na kwətiy, ghəci na, aa sənay
ndəkwə nzee ta məti, kə. Na gəzanci na kaa Timəte nza
ghəci səkə ta kwəmay mətsə ci li taŋtaŋ (vəh 4:6-22).

Zliya naa kwa kərni mbə zliyahi tsasləhwə Pəl gwa'a
gwa'a.

Avanay njasa nəwva kwəma mbə zliya na:

Vəh 1:3 pa' tə vəh 2:1-13 Pəl məni 'wəsa kaa Hyala ta
di tsa Timəte lə ta bə tsa banavə na nəfə tsa ci kaa
Yesəw. Dzəghwa na diba ka gəzanci kaa Timəte a
ghəci garəy jarjar kwa kwal Hyala ya mbə ngəra'wə,
nza ghəci jihəvaa dzəmbə gəzə kwəma Hyala katar
na.

Vəh 2:14 pa' tə vəh 4:1-5 Pəl gəzanci kaa Timəte
a ghəci ndəghwə ghən tsa ci va mbəzliy pala
ghəpəhi gəmgəm ni va kəəti ma mbəzli kwa kwal
Hyala, kala dzar ma kwa mbəzliy bəni shi dzərvə va
kaa mbəzli. Zhini na ka gəzanci a ghəci nəw səəbə
Pəl, ka garəy wəzə wəzə tə kwəma bənivə na va
ghəci jəwəy.

Vəh 4:6-22 Pəl gəzə kwəmaa dzəkən sləni ci
mənəhwə na, zhini ka məni 'wəsa ghəci kaa Ndə
sləkəpə sa kəətiti na.

Pəl sək wə Timōte

¹ Yən tsasli na zliya na, yən yən Pəl, ntsa tarəvə Hyala ta nza ka ndə kwal tsa Yesəw *Kəristəw, ta gəzə kwəma kaa mbəzliy dzəkən piy tsa gəzəkə Hyala bānsi səvəri mbə jakəva tsa shi lə Yesəw Kəristəw. ² Kaa ngəŋa gha Timōte tsaslee zliya na. Gha gha zəghwee dītee tərəŋw. Məntəŋa wəzə hwər tsa nzə Didi Hyala, ghəshi lə Ndə sləkəmmə Yesəw Kəristəw, mba'a ghəshi zhəhwərti zhəhwər tə gha, zhini mba'a ghəshi ndaŋa zərkə mbə nzəy tsa gha.

Pəl mət sahanci bər ci kaa Timōte

³ 'Wəsa nə ya kaa Hyala ghərantee va sləni lə nəfə tsee dēwdēw, njasa niy mənəhwə jijihira va. Mbə mananta 'wəsa kee nza tə gha. Ya hwəmba cə'wee Hyalay, war mbə cə'wə kee nza dzəkən gha, havəghwə lə həvir gwa'a. ⁴ Ka za ghən tsee ta wahə niy wahəhwə gha va tə ya ghala vəghwə tsa ma dēe va ta dzaraw. Tərəŋw mawtee zhiniy naŋa, ta mbə nəfə tsee vəshiy. ⁵ Ka za ghən tsee dība ta nəfə tsa gha va bānavə gha gwanay kaa Yesəw *Kəristəwəw. Ma kwatəŋay, pərba kəhəŋa Ləwizə bānavə na nəfə tsa nzə kaa ngəci, zhən məŋa 'Wənisə. E sənay, gha kwərakwə kiy, a gha bānavə nəfə tsa gha gwanay kaa Yesəw. ⁶ Va tsəgha gəzəŋee əntaa ghən tsa gha zay, ə pə ghaa jihəva ta ghəra sləni Hyala lə vəli vəlītəŋa *Safə tsa Hyala. Ghala vəghwə tsa fakəŋee va dəvə ndaŋa Hyala bər ci va. ⁷ A na Safə tsa nzə va ndammə Hyalay, Safə tsa mənimmə hwəlīkwə naw, bər ci naa bəmmə, ta mbə ghwəmmə ghəranta sləni kaa Hyala, ka bəmmə bər ci

ta mbø ghwæmmøø ði nihwøti mbøzli, lø ta sønay kəsø ghən tsa ghwæmmø wəzə wəzə.

⁸ Ghənzə tsəgha kiy, əntaa gha ha'wə lə gəzə kwəmaa dzəkən Ndə sləkəmmə kaa mbøzli ma. Əntaa gha ha'wə ðiða ya tsəgha nzee kwa fərshina ta kwəma Yesəw ma. Ə pə ghaa sa ngəra'wə tə mbərkə ta kwəma wəzə na va, njasa see tsa kwərakwə. Ə pə ghaa sa ngəra'wə lə bərçi ndaŋa Hyala va. ⁹ Hyala vay, ghənzə mbəlītəmmə na, zhini ghənzə harvəmmə, ta mbø ghwæmmøø mənimmə ka mbøzli nžə. Ma ðiðay, mbəlītəmmə na tə sləni mənti ghwæmmø wəzə naw. Sa nzana tsəgha ghənzə ði mbəlītəmmə na, sa ði na məntəmmə wəzə hwər tsa nžə. Ghala hiði ghwəla ta ghava tarəkə na mənimmə wəzə hwər tsa va tə mbərkə sləni dza Yesəw Kəristəw ta məni. ¹⁰ Nana kiy, a wəzə hwər tsaa niy tarəkə Hyala va məni kaa mbøzli cikəvərivay dzəti ngwəla bazhə bazhə. Sa nzana mba'a Ndə mbəlimmə Yesəw Kəristəw səkəy dzəti hiði, mba'a 'wəshamti bərçi məti. Səvəri mbø kwəma mənti na va tsəghay, ə ði naa cimmə, mba'a pə ghwæmmø zləðavə kwəma wəzə na vay, ta kwəmavə piy tsaa kəði ma dza ghwæmmø.

¹¹ Hyala fəyra na ka ndə kwal tsa nžə, ta gəzanshi kwəma wəzə na va kaa *mbøzliy kamaa ka Zhəwifə lə ta ðananshi. ¹² Tə mbərkə kwəma va nzee mbø sa ngəra'wə sənžənvə kwa fərshina. Ya tsəgha nžə kiy, ka hazlənəe va ngəra'wə tsa va tepəw, sa nzanay e ðanavə nəfə tsee kaa Yesəw, mba'ee sənay, mbø nəfə tsee na, a bərçi və ta ndəghwəti sləni ci va ndara na pa' fəca vici dza naa zhəghəvaa səkə ta sla ngwəvəwə dzəkən mbøzli, pən.

1:8 1:8 2:9; Rm 1:16 1:9 1:9 Ef 2:8-9; Tit 3:5 1:10 1:10 Zhj 1:14; Tit 3:6; piy lə məti: 1Kwər 15:20, 55, 57; Ebr 2:14-15 1:11 1:11 1Tim 2:7

¹³ Ma kwəma katarj na va gəzara yay, gəzanshi kaa nihwəti mbəzli war njasa favə gha va vəya. Gha mbə gəzanshiy, dī tə gha mbəzli. Mba'a gha banavə nəfə tsa gha gwanay kaa Yesəw Kəristəw. Ma bərci ka ghwəmmə vaa kwəmavə ta məni tsəghay, sa nza ghwəmmə jakəjakə lə Yesəw Kəristəw na. ¹⁴ A pə gha kəsəvə kwəma wəzə na va ndara Hyala bekir dəvə. Safə tsa Hyala va fambə na mbə nefer ghwəmmə dza naa kəətiŋa ta kəsə nzə.

¹⁵ A gha sənay, a mbəzli nəw Yesəw tə hiđi ka Azəy zlara gwanashi. Mbə shi na kar Fizhel ghəshi lə Erməwzhen. ¹⁶ Ma na 'Wənesifər na nacy, mbə dəpəra nəfə tsee ka naa nza ya hwəmba. Kar naa ha'wə ta dzəvəghee kwa kwəma mbəzli ya tsəgha nzee kwa fərshinaw. Ə cə'wee Ndə sləkəmmə a ghəci mananati shi wəzə hwər kaa mbəzli kəghi tsa ci gwa'a. ¹⁷ War sa səkəy na tikəə dzəmbə məlmə Rəməy, tərəjw pələhwə na pətsa nzee ti wəzə, dza na mba'a kəsara. ¹⁸ A Timote, a gha sənay kwərakwə njasa kəətəhwəra na, ghala pətsaa nzee va mbə məlmə Efesə. Ə cə'wee Ndə sləkəmmə, a ghəci mananati wəzə hwər tsa ci, fəca vici dza naa səkə ta məni ngwəvəə dzəkən mbəzli.

2

Ndə ghəra sləni tsa Yesəw *Kəristəw lə nəfə kwətiŋ

¹ Na na ghay zəghwee Timoteyey, a pə ghaa sə'wa kwəma mbə sləni gha. Wəzə hwər tsa Hyala va ndammə na mbə jakəva lə Yesəw Kəristəw dza naa ndara bərci ta məni nzə. ² Kwəma Hyalaa niy favə gha va səvəri mbə miy tsee, yən mbə gəzanshi kaa mbəzli dāŋəy, bəvə

kwøma va, a gha ðanavøshi mbø dövø shi kaa mbøzli katarj ni gar mbay ghøshiy ðananshi kaa nihwøti mbøzli kwørakwø.

³ Mba'a kø ngøra'wø kəsaja tø mbørkø kwøma Yesøw Køristøwøy, ø pø gha dzaa sa, njasa ka nihwøti mbøzli vaa sa. Sø'wa mbø sløni Køristøw njasa ka ndø sawji vaa sø'wa mbø mbøz. ⁴ Mba'a kø ndø sawji mbø mbøzøy, wøzø wøzø ka naa ghøra sløni ci, ta tøðanci kaa ntsa ci dikø tsa. Kar naa kəslimbø ghøn mbø møni shi møni mbøzli gømsi ni dzar mbø mølmøw, tsøgha na lø gha kwørakwø ki. ⁵ A gha sənay ða, mba'a kø ndø pøhøtøvay ta kəsli bali ta gwøramti, mba'a kø kala kəsli lø kwal njasa ði møndiy, ka dza møndiy wanaghø zhømə ciw. ⁶ Ndø za tsaa sahwø ngøra'wø dalala mbø zay, pørbø ghøci ka naa kwømavø na ci bøla mbø shi zati na va kwørakwø. ⁷ Tøkø tø gha wøzøø dzøkøn kwøma gøzanjee va. Mba'a pø ghaa tøkø kwømaa dzøkønøy, a Ntsaa sløkømmø taa ndaja møhørlø wøzø na ta sənata kwøma ði kwøma va gøzø gwa'a.

⁸ Zøzøtiy dzøkøn Yesøw Køristøw, ntsa mbø hwøhwø tsa mazø *Davitø. Sa pøøsliti møndiy, dza na mba'a satiy mbø møti njasa gøzøkø kwøma wøzø na va. Ghønzø na kwøma wøzø na va gøzee kaa mbøzli. ⁹ War tø mbørkø ti kee sa ngøra'wø. Mba'a møndi tsaghwara kwa døjw nja ndø yidfi kwøma. Ya tsøgha tsaghwara møndi kwa døjwøy, ma na kwøma Hyala na, ndø tifa ka mbay tsaghwa kwa døjwøw. War mbø møtsøhø gøzø nzø dza nihwøti mbøzliy nza kwa kwøma kwa kwøma. ¹⁰ Ava va tsøgha sø'wee sa ngøra'wø ghønghøn ghønghøn. Tawa sø'wee ngøra'wø tsa va kiy, sa ðee nihwøti mbøzli tsøhavø Hyalaa mbølishi mbø Yesøw

Keristew kwarakwə. Ta dza ghəshiy nzəyshi tə pətsa gwəmati Hyala mbə mazə tsa nzə shəndəkə tsa mə ghwəmə pa' kwa ndimndim. ¹¹ Tsəgha dza ghaa sə'wa kwarakwə ki, sa nzana kwəma dzee na ta gəzəy, kwəma katanj katanj na na:

Mba'a pə ghwəmmə bəkwəmmə lə Keristəwəy,
ta piy dza ghwəmmə li kwarakwə.

¹² Mba'a pə ghwəmmə garəmmə jarjar tə kwəma Hyala ya mbə ngəra'wəy,
ta məni mazə dza ghwəmmə li kwarakwə.

Mba'a pə ghwəmmə ni sənay tsava ndə ghəyəw pə
ghwəmməy,
ta gəzə dza na, sənashi nini mbəzli yaw,
kə kaa ngəmmə kwarakwə.

¹³ Mba'a pə ghwəmmə zhəghanavə hwəm kaa kwəma
ciy,

na naci na, ka dza naa zhəghə hwəm kaa kwəma ciw.
Sa nzanay, ka mbay naa zhiniy
vərasləti vəraslə kaa ghən tsa ciw.

Njasa ka ndə ghəra sləni nzə, ka na təbanta kaa Hyala

¹⁴ Zazanshi tə gha kwəma gəzəkəŋee va kaa mbəzliy nəw kwal Hyala. Ma nza ghəshi təkəə dzəkən. Gəzanshi wəzə lə slən tsa Hyala: Ka hə həərəva ghwəy ta kwemer ghəngħən ghəngħən ni ma, pə gha kaa ngəshi. Sa nzanay, gəla ni tsəgha ni va shiy na, ka dza ghəshiy kəətiti ndə ya jəw nzəw. War ə na na dza ghəshiy yidivəri nefer mbəzliy fafashi gwa'a tsəgha. ¹⁵ Ta na tsa gha ghənəy, ə pə ghaa jihəva, nza shi məni gha təbə kwa kwəma Hyala. Ə pə gha mənija ka ndə ghəra sləni tsa kama shi ha'wə ha'wə ni mbə sləni ci kwa kwəma

2:11 2:11 Rm 6:8 2:12 2:12 Mt 10:32-33; Rm 5:17 2:13 2:13 Rm 3:3-4

2:14 2:14 1Tim 1:3-7; 6:4; Tit 3:9 2:15 2:15 1Tim 1:10

Hyalā, saa canshi kwøma katarŋ na lə kwal tsa nzə kaa mbəzli. ¹⁶ Ma na kwemer gəmshi ni va təbə ma va Hyalā, ka i miy tsa gha ghaa dzəmbə shi ma.

Sa nzana, mbəzliy gəəzə gəla shi tsəgha ni vay, sahə sahə na, mbərəkə dza ghəshiy zlay kwal Hyalā. ¹⁷ Ma kwøma shi va difay, ə naa zləliva dzar mbə mbəzli nja zhi dajwazha tsaa nza va tə ndə kala kədfi ma. Mbə gəla mbəzli ka bananshi *kwøma jikir na va kaa mbəzli na kar Himene ghəshi lə Filetə. ¹⁸ Ma mbəzli vay, ka bananshi kwøma katarŋ na ghəshi kaa mbəzliw, war dzərvaa na bananshi ghəshi kaa mbəzli. Ma kə ghəshiy: A Hyalā zhanakati mbəzli mbə məti mbəradzəta, kə ghəshi. Dza ghəshi mba'a ghəshi səəvəri məhərli nihwəti mbəzli lə kwøma shi va, mba'a niva zlay nəw kwal Hyalā sənzənvā. ¹⁹ Ya tsəgha nzə kiy, na katarŋ na kwøma Hyalā na ka zhəghəva naw. Ghala mbə lə səfa ciki tsaa nzəyta va bəlbələw. A məndi tsaslatiy dzəti səfa ciki tsa va: «A Ndə sləkəpə sənashi nici mbəzli» kə məndi. Zhini ba na: «Ntsaa ni, ntsa Ndə sləkəpə *Kəristəw nzee kəy, ə kə zlata məni kwøma jikir na» kə məndi.

²⁰ A ghwəmmə sənay, mbə ciki tsa ndə shiyəy, ghəngəhən ghəngəhən na shiy mbəba, tifa kwekwer məntim tə tsahi mbəzə, tifa kwekwer 'yesler, tifa kwekwer gagahi, tifa həlepipi, dza ghaa kəsashi. Ni wəzə wəzə ni vay, fəca nza makwaghwa tifa ka məndiy bəshiy səvəri. Ma nihwəti va na, ta zəmə shi zəmə kəghi ya hwəm na sləni shi. ²¹ Tsəgha na lə ghwəmmə kwərakwə. Mba'a kə ndə zlata məni kwøma jikir na njasa gəzee vay, nja kwakwa tsa məntim va tə tsahi mbəzə ka məndiy bəə səvəri war ta makwaghwa dza

2:16 2:16 1Tim 1:4 2:17 2:17 Himene: 1Tim 1:20 2:19 2:19 Bəla
16:5; Zhŋ 10:14 2:20 2:20 Rm 9:21 2:21 2:21 3:17

naa nza. Ma ntsa vay, sa Hyala dza naa nza, ta ðøvø dza Hyala ta sløni nzø. Ghøciy, ya ta namaba sløni wøzø na gwa'a na, war yø ka naa ni.

²² ð gøzanjee, øntaa gha mømøni gøla shi ði nihwøti gwøla va møni gømgøm ni ma. Tsarakø pø gha zlay kwal tsa gøla shi tsøgha ni va. Lø kwal tsa nzø pø ghaa nøw kwøma, ya namaba nzø. Køsøvø kwøma Yesøw Køristøw, ðanavø nøfø tsa gha wøzø wøzø. ð pø ghaa ði nihwøti mbøzli, ka nzøy læ zørkø kwa jipø tsa ghwøy læ mbøzli nza nøfø tsa shi ðewðew, mbøzliy cø'wø Ndø sløkøpø. ²³ Ma na ghøpøhi kama ghøn va ti shiy, ka i miy tsa gha ghaa dzømbø shi ma. A gha sønay, gøla ghøpøhi tsøgha ni vay, war læ miy ka ghøshiy køkøva.

²⁴ Ta na ndø ghøra sløni kaa Ndø sløkøpøy, ka tøbø na ghøciy møni miy læ mbøzliw. Na nacy, war wøzø tøbø na ghøciy mananshi kaa mbøzli gwanashi. Ka ðananshi shiy kaa mbøzli læ møhørlø, mba'a sønay sø'wa kwøma shi. ²⁵ Ya ø nza mbøzli tifa kala ði zløba kwøma ciy, mba'a sønay ðananshi shiy læ møhørlø. Nda nza Hyala ghavøø køætishi, mba'a ghøshi zhøghanti nzøy tsa shi, ta sønata na kataj na kwøma. ²⁶ Ya tsøgha køøstishi *ndø jaka tsa Hyala nja kwa zhøva, ka mananci kwøma ði na ghøshiy, a møhørlø shi wøzø na taa zhøkøta børkee, ta mbø ghøshiy mbølishi søvøri mbø døvø ci.

3

Shiy dzaa møniva hidfi ndøkwø ta kørø

¹ A zøghwee Timøte, fø tø gha ghøn wøzø ta kwøma ðee na gøzana tikø: Ge'i læ kwa kørni vøghwøy, vøghwø tsa 'yahø'yahø tsa dza naa nza. ² Sa dza naa nza ghalabay,

2:22 2:22 1Tim 6:11 2:23 2:23 2:16 2:24 2:24 1Tim 3:3; Tit 2:7-8

2:25 2:25-26 1Tim 2:4 3:1 3:1 1Tim 4:1; 2Pi 3:3; 1Zhrj 2:18; Zhøwdø

18 3:2 3:2-4 Gal 5:19-21

war tsa shi ghøn dza mbøzliy ði, ka møni mætse tørøɲw ta gøna, ka vøshi, ka køli ghøn tsa shi, ka tsøerø Hyala, ka dza mbøzliy ði føti va mbøzliy yakøshiw, ka ghøshi dzay, kala møni ma 'wøsa kaa mbøzliy køätitishi, ka dza ghøshiy ha'wø tø shiy dzar kwa bøla Hyalaw. ³ Mbøzli va ðibay, jikir dza hwør tsa shiy nza, ka dza hwør tsa shiy zhanshi ta ndøw. War ø dza ghøshiy tsøhtsøhøø dzøkøn nihwøti mbøzli, ghwampa ghwampashi dza ghøshiy møni shiy, ka ndørøm lø mbøzli. Ka dza ghøshiy ði møni wøzøw. ⁴ Ka nga ðafa ta nihwøti mbøzli dza ghøshiy nza, ka møni war kwøma kama ghøn ti, ka køli ghøn tsa shi tørøɲw. Na nashiy, shiy tøbanshi dza ghøshiy ði møni, kala ði ma Hyala. ⁵ Ka ghøshi dzay, mba'a ghøshi mønti ghøn tsa shi nja ka nøw Hyala, kala zløba ma na katarɲ na kwømaa dzaa bønshe børci kwa kwal Hyala tsa va. Gøla mbøzli vay, kørakø pø gha zlay kwal tsa shi. ⁶ Nihwøti mbøzli mbø mbøzli vay, ø ka ghøshiy dzakø ghi tsa mbøzli ka dzaa ngøði mi'i daw daw børci ni køsashi ghøshi køyba, ta mbø mi'i vaa bøvø kwøma shi va tsøgha. Mi'i vay, ka møni *kwøma jikir naa ghøshi tørøɲw, ka møni kwøma ði vøgha shi. ⁷ Mbø ði bønivø shiy mi'i va na, daw møhørlø shi ta sønata na katarɲ na kwøma. ⁸ Gøla mbøzli vay, mbazaa nga ghøshi lø kwøma Hyala njasaa niy møni kar Zhanesø va ghøshi lø Zhambøresø mbøradzø, * kala zløba ma kwøma Møyizø. Na nashiy, yidi yidi na møhørlø shi. Banavø nøfø tsa shi ghøshi katarɲ katarɲ kaa Yesøwøw. ⁹ Ka dza ghøshiy

3:5 3:5 Mt 7:15, 21; Rm 2:19-20; Tit 1:16 3:6 3:6 Tit 1:11 3:8 3:8 søvøri 7:11, 22; 8:3, 14; 1Tim 6:4-5 * 3:8 3:8 Kar Zhanesø lø Zhambøresø tsa vay, slønøðemerøɲ niy fanati ka Zhøwifø kaa ka ðøføløø niy nga mbaza va lø Møyizø tø hidø Ezhipøtø na ghøshi (Søvøri vøh 7:11-12).

dzavə dza kərakə lə na shi va sləniw, sa dza naa nzay, dfaŋ dza mbəzliy fəti ghən ta sləni shi va kama ghən ti, njasa niy fətim va ghən ta sləni kar Zhanesə va kama ghən ti ghəshi lə Zhambəresə mbəradzə.

Kwəmaa zəzəə dzəkən ya hwəmfa

¹⁰ Ta na tsa gha ghənəy Timəteyey, gwa'a gwa'a sənashi gha shi bānanshee kaa mbəzli. Gwa'a naghanti gha ya nzəy tsee kwa kwal Hyala. A gha sənata kwəma dēe mbə sləni ghəree. A gha sənay ya njasa bānavee nəfə tsee kaa Yesəw, ya njasa sə'wee kwəma gwa'a. A gha sənay dīfa njasa dēe mbəzli, njasa kəsəvee kwal Hyala wəzə. ¹¹ A gha sənay njasa sahwəmra mbəzli ngəra'wə dīfa. A gha sənata kwəmaa səəkə kənee mbə məlmə Antiyəshə, lə mbə məlmə Ikəniyəm, mba'a mbə məlmə Listər gwa'a. Na kataŋ nay, tərəŋw samiyra ghəshi ngəra'wə. Ləy hwəm shi va kiy, a Ndə sləkəpə mbəlikəvərida mbə ngəra'wer va gwanashi. ¹² Ta na nava na kataŋ nay, ya wa ntsaa dī nəw kwal Hyala wəzə njasa təbə na, tə sa nzee ntsa Yesəw *Kəristəw kəy, ta sancī ngəra'wə dza mbəzli. ¹³ Ma na mbəzliy kəsəvə war məni jikir tsa shi, lə slasla dzərvə shi na shiy, war ə dza ghəshiy dza kwa kwəma kwa kwəma lə kwəma shi gəmgəm na. War ka ngədfishi *ndə jaka tsa Hyala, ka ngədfi nihwəti mbəzli ghəshi kwərakwə.

¹⁴ Na na ghay Timəteyey, ə pə gha garəŋa tə shi bənivə gha va wəzə, sənashi gha ka shi kataŋ ni, lə nəfə tsa gha gwanay. Sa nzanay, a gha sənay gəla ntsa bənivə gha va shi va və wəzə. ¹⁵ Kəsəvəshi wəzə, sa nzanay,

3:10 3:10 Rm 16:24; 1Tim 1:5 3:11 3:11 SləniKY 13:50; 14:5; 14:19; sa ngəra'wə: Cem 34:20; 2Kwər 11:23-29 3:12 3:12 Mt 16:24; Zhŋ 15:20; SləniKY 14:22; 1Tes 3:3 3:14 3:14 2:2; 1Tim 1:10 3:15 3:15-16 Zhŋ 5:39; Rm 15:4; 1Tim 4:13; 2Pi 1:21

ghala ghaa zøghwøŋa sønata gha kwøma mbø Zliya Hyala. Kwøma mbø vay, ghønzø dza naa citøŋa kwal tsa sønata kwøma, ta mbø Hyalaa mbølitøŋa, sa ðanavø gha nøfø tsa gha kaa Yesøw Køristøw. ¹⁶ Gwanata kwømaa tsaslita mbø Zliya Hyalay, kwømaa søøkø va Hyala na, na tsasliti møndi. Zliya vay, wøzø na ta ðønimmø kwøma katarŋ na. Mba'a pø ghwømmø mønti *kwøma jikir nay, ka cimmø ghønzø, zhini ka zhøghømmøø zhøghwa kwal tsa wøzø tsa, ka ðønimmø møni sløni njasa ði Hyala. ¹⁷ Sa møni kwøma Hyala va tsøghay, ta mbø ntsa Hyalaa nza gwøma gwøma mba'a kwømavø shiy dzaa køøti ta møni sløni wøzø na gwanata.

4

¹ ð cø'wøŋee mbø sløn tsa Hyala lø mbø sløn tsa Yesøw Køristøw a gha gøzø kwøma Hyala kaa mbøzli. ð cø'wøŋee tø mbørkø søøkø tsa Yesøw Køristøw ta sla ngwøvøø dzøkøn mbøzli tø ghwømøshi ni lø ni bøkwe bøkwe ni, ghøci saa dza va ta søøkø ta sløkø mbøzli, ² ð gøzøŋee, ø pø ghaa gøzø kwøma Hyala kaa mbøzli, ka jihøvaa dzømbø gøzø nzø. War ø pø ghaa gøzanshi. Ya ghala vøghwø tsa ði mbøzli fa nzø, ya ghala vøghwø tsa ði ma ghøshi favø gwa'a. Mba'a kø mbøzliy møni *kwøma jikir nay, ø pø ghaa nabøshi, ka gøzanshi a ghøshi zlata møni nzø. ð pø ghaa møtsahanshi børci ta møni na wøzø na kwøma. Gha mbø ðananshi kwøma Hyalay, ø pø ghaa sø'wa kwøma. ³ Sa nzanay, a tsahwøti vøghwø dzaa søøkøy, vøghwø tsa vay, ka dza mbøzliy ði favø na katarŋ na kwøma møndiy ðananshiw. War kwøma ði vøgha shi dza ghøshiy møni. Ka ghøshi dza na, tsøha' ghøshi tsøhavø mbøzliy ðønipø shiy tøðanshi.

3:17 3:17 2:21 4:1 4:1 SløniKY 10:42; 2Kwør 5:10; 1Pi 4:5
4:2 4:2 SløniKY 20:20, 31; Tit 1:13 4:3 4:3 1Tim 1:10; 4:1

⁴ Ka dza ghēshiy dī fa na katarj na kwōmaa dzōghwa slēmō shiw. Mbērəkē dza ghēshiy zlata na katarj na kwōma, ka dzashi ta fafa kwōma jiji.

⁵ Na na ghay Timōteyey, gwōmavə ndōghwə ghən tsa gha wəzə, mbə shiy gwanashi kwa kwōma Hyala. Ə pə ghaa sə'wa ngəra'wə tsaa dzəkən gha. Gəzanshi Yəwən kwōma wəzə na kaa mbəzli. Wəzə wəzə pə ghaa mənī sləni ndarja Hyala mbə dəvə gha ta mənī nzə.

⁶ Ta na tsee ghənəy, ndal tərə vəghwə tsee ta mətīw. Nja shi ka məndi vaa dza ta ta Hyala li shi nzee.

⁷ Wəzə wəzə ghərantee sləni kaa Yesəw Kəristəw, ghala mbə ghəy lə ntsaa mbəzəti mbəz tsa wəzə tsa vaw. E kərkamti sləni ndara Hyala ta mənī nzə, nja ntsaa kədamti kəsli bali ci va nzee. E nəwti kwal Hyala pa' tə pətsa kərəkə na kala zhəghanavə hwəmee. ⁸ E sənay nanay, mbə ndəghəra na zhəmee va Hyala mə ghwəmə, sa nzana mba'ee mənira ka ntsa slar tsa. Ndə sləkəmmə tsaa mənī ngwəvə va lə kwal tsa nzəy, ghəci dza naa bəra zhəmə va. Fəca dza naa səkəkə ta mənī ngwəvə dzəkən mbəzli dza naa bəra. War kaa ngəra dza naa bəra zhəmə va kwətiraw, ya wa ntsaa ndəghə vəghwə səkəkə tsa Kəristəw lə nəfə kwətiŋəy, ta banavə dza na kwərakwə.

Pəl har Timōte, ta səkəkə dzəvəgha

⁹ A zəghwee Timōte, ə pə ghaa diva ta səkəkə tikə dzəvəghee kyarjwkyarjw. ¹⁰ Sa nzanay, a Demasə zlara mba'a dzay dzəmbə məlmə Tesalənikə, sa dī na shi tə hidī. Ma Kəresensə naci na, mba'a dzay dzəti hidī ka Galatə, mba'a Titə dzay dzəti hidī ka Dalmati.

4:4 4:4 1Tim 1:4 4:6 4:6 Flp 2:17; 2Pi 1:14 4:7 4:7-8 1Kwər 9:24-25; Flp 3:12-14; 1Tim 1:18 4:10 4:10 Flp 2:21; Demasə: Kwəl 4:14; Flm 24; 1Zhj 2:15; Titə: 2Kwər 2:13

¹¹ Kwataka Løwka na saa tərmbə vøghee tikə gwa'a tsəgha. Fəca ka gha mađiy səəkəy, pəməkəvə tə gha Markə kwasəbə gha. Sa nzanay, ta kəətitəra dza naa dza tikə mbə slənee. ¹² Na na Tishikəy, e ghwənay tsavaa dzəmbə məlmə Efesə. ¹³ Ghaa səəkəy, tsəhəŋa tə gha mbə məlmə Tərəwasə, nza gha dzakə ghi tsa Karpəsə bəvəra kwəbaŋ tasli tsee kəyba. Bəvə tə gha Zliyahi kwəma Hyala dība, gaw ni ka hwəta va na ni gwəree dī.

¹⁴ Alekəsandərə ndə pəsli tsa vay, tərəŋw məntəra na *kwəma jikir na tikə. Ndə sləkəmmə dza naa wanci zhəmə kwəma ci va jikir na. ¹⁵ Ya gha ciy, ndəghwə tə gha ghən tsa gha və, nəghətaa ghəci məntəŋa kwəma jikir na kwərakwə. Sa nzanay, ka dī naa favə shi bəni ghəy va kaa mbəzli ya jəw tsətsəw.

¹⁶ Fəca ghee garə kwa kwəma mbəzli tə ngwəvə, ta gəzə kwəma kən ghən tsee səvəriy, ndə tība mba'a niy kəətəhwəraw. Mbəzli gwanashi niy zlara na kwətira. Ə cə'wee Hyala a ghənzə pəlashi kwa hwər nzə. ¹⁷ Ya tsəgha niy zlara məndi talay, niy zlara Ndə sləkəpəw. Aa niy kəətitəra, mba'a ndara bərqi, ta mbayee gəzanshi kwəma ci kaa mbəzli kwa pətsa kəray na, kala hazləni mbə nəfə tsee ya jəw nzə. Daŋ *mbəzliy kamaa ka Zhəwifə favə kwəma Hyala fəcava. Ava tsəgha kəətitəra Ndə sləkəpə, mba'ee mbəlira va dzəghwa miy zhəl. ¹⁸ Ya namafa kwəma jikir na səəkə naa dzəkən yay, e sənay ta mbəlantəra dza Ndə sləkəpə və. Ta ndəghwətəra dza na ta mbayee tsəhəra mə ghwəmə tə

4:11 4:11 Løwka: Kwəl 4:14; Markə: Kwəl 4:10 4:12 4:12
 Tishikə: Kwəl 4:7-8 4:13 4:13 SləniKY 20:6 4:14 4:14 Mt
 16:27; Alekəsandərə: 1Tim 1:20 4:16 4:16 1:15 4:17 4:17 Dani
 6:21; Cem 22:22; SləniKY 1:8; 23:11 4:18 4:18 2Kwər 1:10; Flp
 1:19-20

pøtsa sløkø na. ə pø ghwəmmøø fal dikø tsa Hyala ya hwəmba. *Amin.

Pəl kərni zliya ci lə səkwə nihwəti mbəzli

¹⁹ Kwa kərni kwəma dēe gəzəŋa kiy Timøteyey, ə dēe ghaa səkwətəra Pərishil ghəshi lə zata Akilasə, mba'a gha səkwətəra mbəzli kəghi tsa 'Wənesifər kwərakwə. ²⁰ Erastøy, mbə məlmə Kwərintə nzəyøy na, na na Tərəfim na mba'ee zlay mbə məlmə Miletə sa nzana gwərapøy ghəci niy nza. ²¹ Na na ghay, ə pø ghaa diva ta səəkə tikə kyanwkyanw, ka vəghwə tasli səəkə. Mbə səkwəŋa na kar Ewbələsə, lə Pəwdesə, mba'a Linəwsə, mba'a Kwələwdiya. Zhini mbə səkwəŋa ngwarməhimmə mbə nəw Yesəw tikə gwanashi.

²² Nana kiy Timøteyey, nza gha nza, ndəghwətəŋa Ndə sləkəpə, mba'a məntəŋwəy wəzə hwər tsa ci gwənanwəy. Tiŋa kərayee, nza gha nza ki.

4:19 4:19 Akilasə lə Pərishil: SləniKY 18:2; 'Wənesifər: 2Tim 1:16-17 4:20 4:20 Erastø: SləniKY 19:22; Rm 16:23; Tərəfim: SləniKY 21:29 4:22 4:22 Gal 6:18

Zliya Yəwən kwəma wəzə naa dzəkən Yesəw Kəristəw
Bana: Zliya Yəwən kwəma wəzə naa dzəkən Yesəw Kəristəw New
Testament

Le Nouveau Testament en langue Bana du Cameroun

copyright © 2005 Wycliffe Bible Translators, Inc.

Language: Bana

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 14 Jun 2022 from source files dated 1 Jun
2022

ae014872-94cd-54bc-869e-601bde2245b3